



R. G. ADAMS

Questo libro composto di libretti  
trentanove ha un gran valore.  
Il suo più gran pregio consiste nella  
lettera di Cristoforo Colombo in lingua  
Spagnola.



Thomas Randolph Adams


The John Carter Brown Library



GIFT OF

Thomas R. Adams








The John Carter Brown Library


CITY OF

Providence, R. I.












A D  
 ILLVSTRISSIMVM  
 VIRVM  
 THOMAM MAVROCENVM  
 VERONÆ PRÆTOREM.



VERONÆ,  
 Apud Hieronymum Discipulum,  
 M D LXXVII.



ILLVSTRISSIMVM

VIRVM  
THOMAM MANDROCEVM

MANDROCEVM PRÆTOREM

Quod tollit  
Sedem magis  
Non tamen

Ne proinde  
Frustrum  
Infam  
Non est

Quia  
Dignus  
Sunt belli  
Mecum

Dicitur  
Nil sol  
Sed se  
Atque unde

Inde  
Quia  
M D LXXVII

RPJCB





*QVÆ per varios ætheris ambitus  
Gestas Musa volans facta potentium,  
Pennis purpureis scandere gestiens  
Vsque ad lucida sidera;*

*Diuum & concilijs, atque adhibes sacris  
Mensis, conspicuos gloria laudibus  
Quos tollit celebris, nectit & aureis  
Sertis magnus honor caput.*

*Non rixas Lapithum sanguineas, neque  
Ut prolem Danai torqueat horrida  
Frendens Tisiphone carcere squalido  
Inferni recinas caui.*

*Non & terrigenum sacrilegas manus,  
Quas iam pertimuit Iuppiter igneis  
Desertis domibus, dum superis parant  
Sani bella minacia.*

*Mecum sed cythara concine eburnea  
Dulcis Musa virum, quo melius videt  
Nil Sol, siue micans surgat ab equore,  
Seu se condat in equore.*

*AST unde incipiam carmine tollere  
Laudes egregias prasidis optimi?  
Quis digne poterit dicere Lesbio  
Plectro tam celebrem virum?*



Qui tot præcipuis dotibus emicat,  
Quot cælum radians ignibus aureis,  
Phæbi clara soror cum latet æthere  
Pleno sideribus vagis.

Cuius præsidij prata perambulans  
Virgo tuta rosas crinibus implicat,  
Nec tangi metuens lactea lilijs  
Ornat pectora candidis.

Cuiusq; auspicijs rusticus ingerit  
Large ligna foco, nec vigiles manus  
Latronum trepidat, gramineo in thoro  
Mercator pauidus cubans.

Nunc Pax arua colit, mundaq; Veritas,  
Nunc & diuitibus copia cornibus  
Tetris e tenebris profiliens, agros  
Reddit frugibus uberes.

O' salve superum maxima prouidum,  
Cura, ò progenies inclytæ, nobilis  
Salve, ò salve iterum, Nestoris & dies  
Vinas Italiæ decus.

Te clarum celebrant maxima stemmata  
Illustris generis, summaq; gloria  
Insignis patriæ, cui dedit Adriæ  
Nereus imperium maris.

Sed



*Sed Fas, & Pietas, Religio, almaq;  
Virtus condecorant, promeritum choro &  
Addit Semideum candidior Fides  
Dulcis iustitia parens.*

*Sed quid, Dedalei non memor Icari  
Vates, aggredior singula dicere?  
Cessa Musa levis, viribus ingeni  
Hæc non conueniunt tui.*

*AD EVNDEM.*

*SALVE grande decus Venetum, certissima proles  
Heroum, cui semper adest cum Pallade, Phæbus;  
Et quem fert volitans auratis Fama per orbem,  
Pennis, concilio atq; adhibet, mensisq; Deorum:  
Illa ego, quæ terras per te inculpata reuiso,  
IVSTITIA, hac querna cingo tua tempora fronde,  
Et primos patriæ titulos, cum venerit ætas,  
Nuntio certa tibi. Tunc aurea secula mundo  
Nascentur, terrasq; gemens discordia linquet,  
Optata & veniet Pax, & Concordia cælo.  
Ac ver perpetuum, semper florentibus annis,  
Aura feret Zephyri, sponte & dabit omnia tellus.  
Macte igitur virtute Heros, quem diligit æquus  
Iuppiter.*



*Iuppiter, ad tantosq; vocant bona fata triumphos,  
Æternum salve, præstes ut munera pacis  
Æterna, & redeant iterum Saturnia regna.  
Tu interea Verona tuo gratare parenti,  
Et meritos titulos, & candida marmora quere.*

*AD EVNDEM.*

*QVOD fuerit iustus, quesitor crimina discit  
Inferni, Minos creditus esse deus.  
Innumeris amplum Phœbus quod dotibus orbem  
Ornarit, superum regia tecta colit.  
Cur tibi, cui tanta est pietas, qui fasq;, piumq;  
Diligis, & nobis commoda tanta paras.  
Non aras Pario statuemus marmore dignas?  
Nec dabimus certi nomen habere Dei?*

*AD EVNDEM.*

*IN sylvis iactat qualis sua bracchia cælo,  
Et pandit crines quercus amata Ioui:  
Lucifer & qualis claro se tollit ab ortu,  
Sideribus cunctis pulchrior ipse micans:  
Tale illustre decus, talis tua gloria, THOMA,  
Auratas*



*Auratas pennas explicat alma polo.*

*Teq; velit celebris vitrei trans marmora ponti,*

*Atq; super nubes nomen in astra tuum.*

*O te igitur felix, tantum cui fata dedere*

*Insigni meritis promeruisse decus.*

*AD EVNDEM.*

*AVREA quod nobis sub te sint Præside secla,*

*Quid mirum? nomen si tibi præbet amor.*

*Illustriss. Dominationis Tuæ*

*Deditissimus*

*Petrusfranciscus Toccolus Veronensis*



... ..  
... ..  
... ..  
... ..  
... ..

... ..

... ..  
... ..

... ..

... ..

... ..

... ..

... ..

... ..

... ..

... ..

... ..


... ..

... ..





















~~X1595~~

~~N4795~~

~~V.I~~

J595

N4795

V.I



*Handwritten text on a torn paper label, possibly including the word "Copy".*